

Na osnovu člana 13. stav 2. alineja 17. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06 i 51/09), člana 25. stav 1. alineja 17. Statuta Grada Tuzla (“Službenik glasnik Grada Tuzla”, broj 6/21) i člana 170. Poslovnika Gradskog vijeća Tuzla (“Službeni glasnik Grada Tuzla”, broj 9/17, 2/18, 8/19, 3/20, 7/20, 2/21, 3/21, 6/21 i 12/21), Gradsko vijeće Tuzla, na sjednici održanoj dana 28. aprila 2022. godine, d o n o s i

O D L U K U
o izmjeni i dopunama Poslovnika Gradskog vijeća Tuzla

Član 1.

U Poslovniku Gradskog vijeća Tuzla („Službeni glasnik Grada Tuzla“, broj: 9/17, 2/18, 8/19 , 3/20, 7/20, 2/21, 3/21, 6/21 i 12/21) (u daljem tekstu: Poslovnik) u članu 25. stav 1. na kraju rečenice interpukcijski znak „tačka“ zamjenjuje se interpukcijskim znakom „zarež“ i dodaju riječi „osim ako drugačije nije određeno ovim Poslovníkom.“.

Član 2.

U članu 44. Poslovnika iza stava 1. dodaje se novi stav 2. koji glasi:

„Komisija za mlade, obrazovanje i sport ima predsjednika i sedam članova, od kojih se jedan član bira na prijedlog Vijeća mladih Grada Tuzle.“

Član 3.

U članu 145. stav. 1. Poslovnika na kraju rečenice briše se tačka i dodaju riječi: „*ili vijećnici Gradskog vijeća.*“

Član 4.

Ovlašćuje se Komisija za statutarna pitanja i propise da pripremi Prečišćeni tekst Poslovnika Gradskog vijeća Tuzla („Službeni glasnik Grada Tuzla“, broj: 9/17, 2/18, 8/19, 3/20, 7/20, 2/21, 3/21, 6/21 i 12/21).

Član 5.

Ova Odluka stupa na snagu narednog dana od dana objavljivanja u „Službenom glasniku Grada Tuzla“.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Gradsko vijeće
Broj: 01/04-A- 7117-2022
Tuzla, 28. april 2022. godine

PREDSJEDAVAJUĆI
Nataša Perić, prof.

O B R A Z L O Ž E N J E

Pravni osnov za donošenje Odluke

Pravni osnov za donošenje Odluke o izmjeni i dopuni Poslovnika Gradskog vijeća Tuzla je član 13. stav 2. alineja 17. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06 i 51/09), član 25. stav 1. alineja 17. Statuta Grada Tuzla („Službenik glasnik Grada Tuzla“, broj 6/21) i član 170. Poslovnika Gradskog vijeća Tuzla („Službeni glasnik Grada Tuzla“, broj 9/17., 2/18, 8/19, 3/20, 7/20, 2/21, 3/21, 6/21 i 12/21).

Odredbom člana 13. stav 2. alineja 17. Zakona o principima lokalne samouprave u Federaciji Bosne i Hercegovine propisano je sljedeće:

„*Vijeće u okviru svojih nadležnosti:*

...

- *donosi svoj poslovnik o radu*“.

Identičnu odredbu sadrži i član 25. stav 1. alineja 17. Statuta Grada Tuzla.

Odredbom člana 170. Poslovnika Gradskog vijeća Tuzla propisano je sljedeće:

„*Izmjene i dopune ovog Poslovnika se vrše po postupku istom kao i za njegovo donošenje.*“.

Razlozi za donošenje Odluke

Razlog za donošenje Odluke o izmjeni i dopuni Poslovnika Gradskog vijeća Tuzla je potreba za usklađivanjem odredbi Poslovnika Gradskog vijeća Tuzla sa odredbama Zakona o mladima Federacije Bosne i Hercegovine („Službene novine FBiH“, broj 36/10), odnosno stvaranje uslova za implementaciju člana 14. stav 1. tačka 6) Zakona o mladima Federacije Bosne i Hercegovine.

Naime, članom 14. stav 1. tačka 6) Zakona o mladima Federacije Bosne i Hercegovine je propisano da općinski, gradski i kantonalni organi vlasti imaju dužnost osnivanja komisije za mlade pri općinskom vijeću kao stalnog radnog tijela, odnosno pri skupštini kantona koja će se u okviru svoje nadležnosti baviti pitanjima mladih, a u čijem radu će učestvovati predstavnici/ce općinskog, odnosno kantonalnog vijeća mladih.

Obzirom da je već ranije, odredbama Poslovnika Gradskog vijeća Tuzla, kao stalno radno tijelo formirana Komisija za mlade, obrazovanje i sport, koja se u okviru svojih nadležnosti bavi i pitanjima mladih, ostala je potreba za stvaranjem pravnog okvira za učešće predstavnika vijeća mladih u radu Komisije za mlade, obrazovanje i sport.

S tim u vezi Kolegij Gradskog vijeća je na 17. redovnoj sjednici održanoj dana 23.3.2022. godine, pod tačkom 5. Usklađivanje Poslovnika Gradskog vijeća Tuzla sa odredbama Zakona o mladima Federacije Bosne i Hercegovine, usvojio zaključke broj: 01/04-A-4185-2022:

„*1. Kolegij Gradskog vijeća Tuzla traži od Stručne službe Gradskog vijeća da, u skladu sa Izjašnjenjem Vlade Federacije Bosne i Hercegovine na Inicijativu Gradskog vijeća Tuzla za davanje autentičnog tumačenja Zakona o mladima Federacije Bosne i Hercegovine, za aprilsku sjednicu Gradskog vijeća pripremi izmjene Poslovnika Gradskog vijeća Tuzla, u cilju implementacije člana 14. stav 1 tačka 6) Zakona o mladima Federacije Bosne i Hercegovine i omogućavanja direktnog učešća i suodlučivanja predstavnika Vijeća mladih Grada Tuzle u Komisiji za mlade, obrazovanje i sport Gradskog vijeća Tuzla. Navedenim izmjenama Poslovnika Gradskog vijeća Tuzla omogućit će se da, u sastavu Komisije za mlade, obrazovanje*

i sport, kao radnog tijela Gradskog vijeća Tuzla, pored predsjednika i šest članova Komisije, koji se biraju proporcionalno zastupljenosti političkih subjekata, odnosno klubova vijećnika u Gradskom vijeću, i Vijeće mladih Grada Tuzle bira jednog člana Komisije za mlade, obrazovanje i sport.

2. Do potpune implementacije člana 14. stav 1 tačka 6) Zakona o mladima Federacije Bosne i Hercegovine, traži se od predsjednika Komisije za mlade, obrazovanje i sport da nastavi Vijeću mladih Grada Tuzle upućivati poziv sa materijalima za sjednice ove Komisije.“.

Stručna služba Gradskog vijeća je postupila po navedenim zaključcima Kolegija Gradskog vijeća, te je pripremila izmjene i dopune Poslovnika Gradskog vijeća Tuzla na način da se sastav Komisije za mlade, obrazovanje i sport pored predsjednika i šest članova, koji se biraju proporcionalno zastupljenosti političkih subjekata, proširuje za još jednog dodatnog člana, a koji će se birati na prijedlog Vijeća mladih Grada Tuzle, čime bi se stvorili uslovi za potpunu implementaciju člana 14. stav 1. tačka 6) Zakona o mladima Federacije Bosne i Hercegovine.

Iz svega naprijed navedenog, predlaže se donošenje ove Odluke.

PREDLAGAČ: Kolegij Gradskog vijeća

OBRAĐIVAČ: Stručna služba Gradskog vijeća